



20. august 2013

Inatsisartut suleriaasianni § 37, naapertorlugu matumuuna imaattumik Naalakkersuisunut apeqquteqarniarpunga:

Apeqquut: Naalakkersuisuusimasut Maniitsup eqqaani erngup nukissiornermik tunngaveqarluni aluminiummik suliniummut tunngatillugu Alcoa Inc.-imik oqaloqatiginninniarnermut Naalakkersuisut siorna ukiakkut inatsisartuniit tamakkiisumik imatut pisinnaatinneqarput.

- 1. "Piginnittuuneq: Naalakkersuisut akuersissuteqarnermik ilusiviusoq aallaavigalugu Maniitsup eqqaani aluminium-imik suliniummik suliaqaqqissasut.*
- 2. Sanaartornermut aningaasaliinerit: "Kalaallit Nunaanni sulianik angisoorsuarnik inuussutissarsiutitigit suliniutit piviusunngortinnissaannut sinaak-kutissatut piumasaqaatit pillugit nassuiaat"-mi sanaartornissamik aningaasaliissutitut nassuiarneqartunik Qeqqata Kommunianik suleqateqarlutik Naalakkersuisut aningaasaliissutissanik pissarsiniassasut.*
- 3. Erngup nukissiornermut inatsisaasumik allanngineq: UPA 2013-imi erngup nukissiornermik inatsimmut allannguutissatut siunnersuut Naalakkersuisut saqqummiutissavaat, tassani akuersissuteqarnermik piginnittumut maannakkut ukiunut 40-nut taarsiullugu akuersissuteqarfiusup siulliup ukiut 60-it tikillugit sivirususeqartitsilersoqarluni suli ukiunik 20-nik sivitsuisinnaasoqassalluni.*
- 4. Tamanit atugaasutut pilersuisoqarfimmut sinneqartoorutaasumik innaallagissamik tunisineq: Aluminium-imik suliniummut atatillugu erngup nukissiorfiit ingerlanneqarnerinut akuersissummi tamanit atugaasutut pilersuisoqarfimmut innaallagissamik tunisineq akuersissummik pigisaqartumut peqqussutaasinnaanginnera aalajangersarneqarsinnaavoq, taamaallaalli nammineq piumassuserisaq naapertorlugu isumaqatigiissutigineqarsinnaalluni.*
- 5. Akileraartarnermik inatsisilianik aamma erngup nukissiornermut inatsimmik allannginerit: Aatsitassarsiornermut inatsit naapertorlugu akuersissutinut tunniunneqartunut maannakut pisartutuulli assingusumik erngup nukissiornermut inatsit naapertorlugu akuersissutinut tunniunneqartuni ingerlatseqatigiiffinnut akileraarusiisarnermik taarsiisussamik minnerpaamik assingusumik annertussuseqartitamik akiliuteqartarnerup aalajangersaavigisinnaanissaa siunertaralugu periarfissiiniarlutik akileraartarnerik inatsisilianik aamma erngup nukissiornermut inatsimmik*

allannguuteqarnissamut Naalakkersuisut UPA 2013-imi siunnersuummik saqqummiussaqaassapput. Suliniut sanaartornerup nalaani naqissusiinikkut akitsuusersorneqassanngilaq".

Apeqqutigerusuppara qulaani immikkoortut 1 - 5-imut tunngatillugu Naalakkersuisuusimasut ilumut oqaloqatigiinnernik aallartitsisimanersut aammalu taamaattoqarsimappat qanoq angusaqartoqarsimava?

Taamaattoqarsimangippallu massakkut Naalakkersuisuusut suliamik nangitsillutik aallartitsisimanersut qanorlu angusaqartoqarsimangersoq paaserusuppara?

Suli suliamik aallartitsisoqarsimangippat qanoq Naalakkersuisut pilersaarummut alloriarniarpat?

(Inatsisartuni ilaasortaq Siverth K. Heilmann, Atassut)

Tunngavilersuut:

Ilisimaneqartutuut suliaq ukioq 2006-imiilli aallartissimasarpur, inatsisartuusarsimasuni innuttaasuniillu suliffissarpassuarnik ukiorpasuarnilu pilersitsiviusinnaasoq, assut soqutigineqarluni ingerlanneqarsimavoq, sulili suliaq ulloq manna tikillugu uggornaraluaqisumik tunngaviusumik aalajangiiffigineqanngilaq. Aallaqqaammut Alumiinium-imik ataatsimiititaliatut taaguuserlugu suliarlu kisiviat aallunneqarluni inaarutaasumillu inatsisartuni isummertoqarnissaata tungaanut pilersinneqaraluarpoq, ajoraluartumilli Naalakkersuisuusimasut atuunnerisa nalaanni maanaannaq aatsitassarsionermut ilanngunneqarpoq tunullunneqartutullu isikkoqaleraluttuinnarluni.

Aatsitsiviliornissaq suliffissarpassuarnik ukiullu allaat 100 angullugit pilersitsiviusinnaasoq Alcoa-p assorsuaq aningaasarpassuit atorlugit pilersitsiviginissaa soqutigimagaluarpa, apeqqutaatilluguli innuttaasut minnerunngitsumillu politikkikkut qanoq tapersorsorneqartiginersoq. Taamaattumik suliniutip piffissalersornera politikkikkullu qaqugukkut kingusinnerpaamik isummertoqarsinnaanera nalunaarutigineqartarpoq ilisimaneqarlunilu.

Nuup Kangerluani Isukasianilu aatsitassarsioniarneq annertoqisumik aqqusinniornikkut nunamik allannguiffiusussa aammalu ukiuni taamaallaat 15-nit missaannaani suliffinnik pilersitsiviusussa isummipallannissamut Naalakkersuisuusimasuniit massakkullu Naalakkersuisuuniik suliaqartoqarnera isumakulunnarsinnaasoq arajutsinngitsuugassaannngilaq.

Neriullunga apeqquteqaatima ullut suliffiusut iluanni akissuteqartoqarumaartoq.